



ასპინძის სახელოვნო

ასპინძის მუნიციპალიტეტი * ივნისი. 2024 * (4)97

დამოუკიდებლობის რთვ სწავლა აქონიშნა

საქართველოს დამოუკიდებლობის დღეს, ასპინძის მუნიციპალიტეტის მერმა როსტომ მაგრაქველიძემ და ადგილობრივი თვითმმართველობის წარმომადგენლებმა ასპინძის მუნიციპალიტეტის გართობისა და დასვენების პარკში საქართველოს ერთიანობისათვის ბრძოლაში დაღუპული გმირების მემორიალი გვირგვინებითა და ყვავილებით შეამკეს.

საქართველოს ერთიანობისათვის ბრძოლაში დაღუპულთა მოსახსენიებელი პანაშვიდი ასპინძის წმინდა გიორგის სახელობის ეკლესიის მღვდელმსახურმა მამა დავითმა ალაგლინა.

ზუსტად 106 წლის წინ, 1918 წლის 26 მაისს, თბილისში, საქართველოს ეროვნულმა საბჭომ, სახელმწიფოებრივი დამოუკიდებლობის აქტი მიიღო.



საქართველოს დამოუკიდებლობის დღისადმი მიძღვნილი საზეიმო კონცერტი ასპინძის კულტურის ცენტრში გაიმართა.

აღნიშნულ ღონისძიებაში მონაწილეობას ღებულობდნენ ადგილობრივი შემოქმედებითი ჯგუფები: ა(ა)იპ „ასპინძის სახელოვნო და სამუსიკალური დაწესებულება“ გაერთიანება - კულტურის ცენტრის „თანამშრომლები“, ფოლკლორული ანსამბლი „წუნდა“, ბავშვთა ქორეოგრაფიული ანსამბლი „ვარძია“ და სოფელ ივერიის საჯარო სკოლის მოსწავლეები.

ღონისძიებას ორგანიზება ასპინძის მუნიციპალიტეტის მერიის კულტურის, განათლების, ძეგლთა დაცვის, სპორტის, ახალგაზრდულ საქმეთა და ტურიზმის განვითარების სამსახურმა გაუწია.

26 მაისი

დამოუკიდებელი საქართველოს დროშა და გერბი (1918-1921 წ.წ)

ჩამოპკრა ზარმა, ახმაურდა ივერთ მამული, შვიდფეროვანი ცისარტყელა განველო ნათლად,

მზე აღმოზრწინდა, ოქროსფერი სხივები სრული, გადმოაფრქვია და სამფერად ქართლს დაანათლა!..

აჰა, აღსდექი, საქართველო, მრავალ-ტანჯულო!.. ფეხ-ქვეშ თელილო, საცოდავო, ჰეი, მამულო!.. იკმარე ტანჯვა, რაც აქამდე შეგისვამს შხამად, იკმარე დღენი ვაებისა განელილი შეადა!..

შენს შვილებს მუდამ შენს დაცვისთვის სისხლი უღვრიათ, მშობელი მინა უბრძოლველად არ დაუთმიათ, თვით დაცემულან, დროშა ჩვენი არ დაუცვიათ, მოვალეობა შენს წინაშე მათ დაუცვიათ!..

დაჭრილ ლომივით წარმომდგარხარ შენ დაჩოქილი, გააფთრებულსა დაგიღწეავს რკინის ბორკილი, თავისუფლება მიგიღია სისხლის გაღებით, ავინვეიათ საზეიმოდ ბაირალები!..

მაგრამ მამულო, ვერაფერმა ვერ შეაჩერა ურიცხვი ძალა, სატანური, ჩრდილი მყრობელის,

გულს მახვილი გკრა, უნამუსოდ ფეხ-ქვეშ გაგთელა!.. თვალნი ლამაზნი ააცრემლა ქართველ მშობელის!

ვინ უყურებდა შენს ღირსებას, ბრწყინვალე წარსულს?.. ჩვენ უნუგეშოდ შევყურებდით ერის მზეს, ჩასულს... ველარ ვხედავდით შენს დიდებას, მივივად ასხმულს... გული დაუჭკნო სიდუხჭირემ ივერის ასულს.

ჰეი, მამულო! რაც აქამდე გქონია ჭირი, იგი გეყოფა, იკმარე და ნულარა სჩივი, შენს შვილთა ბრძოლით და გმირობით კვლავაც აღსდგები, გაჩირადღებულ, სწორ, უტყუარ გზას დაადგები!

მაშ დიდება შენ, ძველი ნიჭი ღმერთმა მოგმადლოს!.. შენ შვილთა ბედი ღვთის განგებამ შენვე მოგანდოს!.. და... გაგითენდეს ბრწყინვალე დღე, რომ შევძახოთ ღმერთს: „დიდება მამულს, აყვავებულს, დიდება მის ერს!“

ა. დარეჯანიძე, ემიგრანტი, 1943 წელი

ასპინძის მუნიციპალიტეტის საკრებულოში

მიმდინარე წლის 16 მაისს გაიმართა ასპინძის მუნიციპალიტეტის საკრებულოს მორიგი სხდომა.

დეპუტატებმა განიხილეს დღის წესრიგით გათვალისწინებული შემდეგი საკითხები:

– „ასპინძის მუნიციპალიტეტის მერიის ბავშვის უფლებათა დაცვისა და მხარდაჭერის, ჯანმრთელობისა და სოციალური უზრუნველყოფის სამსახურის დებულების დამტკიცების შესახებ“ ასპინძის მუნიციპალიტეტის საკრებულოს 2024 წლის 21 მარტის №15 დადგენილებაში ცვლილების შეტანის შესახებ;

მომხს: ბ. ბერიძე; ა. ტივაძე; გ. ჯვარიძე;

– „საქართველოს ადმინისტრაციულ სამართალდარღვევათა კოდექსით, ნარჩენების მართვის კოდექსით და სხვა ნორმატიული აქტებით გათვალისწინებული თვითმმართველობის უფლებამოსილებას მიკუთვნებული ადმინისტრაციულ სამართალდარღვევათა საქმისწარმოებისათვის ადმინისტრაციულ სამართალდარღვევათა ოქმის, საჯარიმო ქვირთისა და საქმისწარმოების დოკუმენტების ფორმების, მათი შევსების, ჩაბარების, წარმოებისა და აღრიცხვა-ანგარიშგების, ჯარიმის გადახდის, გასაჩივრებისა და სააღსრულებო ფურცლის გამოწერის წესის დამტკიცების თაობაზე,“ ასპინძის მუნიციპალიტეტის საკრებულოს 2023 წლის 10 ივლისის №22 დადგენილებაში ცვლილების შეტანის შესახებ;

მომხს: ბ. ბერიძე; გ. ჯვარიძე;



– ასპინძის მუნიციპალიტეტის 2024 წლის 3 თვის ბიუჯეტის შესრულების ანგარიშის შეფასების შესახებ;

მომხს: ბ. ბერიძე; ა. ტივაძე;

– ასპინძის მუნიციპალიტეტის საკუთრებაში არსებული უძრავი ქონების იჯარის ფორმით გადაცემაზე, ასპინძის მუნიციპალიტეტის მერიისათვის თან-

ხმობის მიცემის თაობაზე (ო.გოგოლაძე, მ. ცინაძე; ნ.დიასამიძე);

მომხს: ბ. ბერიძე; ა. ტივაძე; გ. ჯვარიძე;

– „ასპინძის მუნიციპალიტეტის 2024 წლის ქონების საპრივატიზაციო ობიექტების ნუსხისა და პრივატიზაციის გეგმის დამტკიცების შესახებ“ ასპინძის მუნიციპალიტეტის საკრებულოს 2024 წლის 07 მარტის №გ-121. 121240671 განკარგულებაში ცვლილების შეტანის თაობაზე.

მომხს: ბ. ბერიძე; ა. ტივაძე; გ. ჯვარიძე;

დეპუტატებმა საკითხები დაამტკიცეს, რის შემდეგაც გაეცნენ ინფორმაციას:

1.ასპინძის მუნიციპალიტეტის მერის მიერ 2024 წელში N 57- დან N 68 - ის ჩათვლით, გაფორმებული ხელშეკრულებები სახელმწიფო შესყიდვების შესახებ. სხდომას თავმჯდომარეობდა ბესიკ ბერიძე. ეხსრებოდნენ საქართველოს პარლამენტის მაჟორიტარი დეპუტატის ანტონ ობოლაშვილის ასპინძის ბიუროს წარმომადგენლები.

მაკა პერიძე

გისურვებთ ოცნებების ასრულებას!



როსტომ მახრამაძე
ასპინძის მუნიციპალიტეტის მერი

გილოცავთ, ჩვენი მეთორმეტეკლასელებო თქვენი ცხოვრების ერთ-ერთ უმნიშვნელოვანეს მოვლენას – სკოლის დასრულებას, ბოლო ზარს სკოლაში.

ჩვენი რაიონის ახალგაზრდები ღირსეულად პასუხობენ ყველა თანამედროვე გამოწვევას, წარმატებებს გისურვებთ ერთიან ეროვნულ გამოცდებში, პროფესიულ წინსვლას ცხოვრების ყველა ეტაპზე, თქვენი მიზნებისა და ოცნებების ასრულებას.

ქვეყანასა და ჩვენს რაიონს სჭირდება თითოეული თქვენთაგანი თქვენი შესაძლებლობებით, გისურვებთ ამ შესაძლებლობების რეალიზებას.

„შემოქმედება თუხმე ჯვახცმა“

23 აპრილიდან 30 აპრილის ჩათვლით საქართველოს მასშტაბით ყოველწლიურად აღინიშნება ბიბლიოთეკის კვირეული. ასპინძის მთავარი ბიბლიოთეკაც აქტიურად ერთვება აღნიშნულ ღონისძიებაში და, წელსაც, 2024 წლის 23 მაისს (დაგვიანებით, მაგრამ მაინც, ბიბლიოთეკაში სარემონტო სამუშაოების დაწყების გამო) მთავარი ბიბლიოთეკის საბავშვო განყოფილება, მრავალწლიანი გამოცდილების მქონე, ღვაწლმოსილი ქალბატონის – საბავშვო ბიბლიოთეკის ბიბლიოთეკარის – ნელი გოგოლაძის ორგანიზატორებით ჩატარებული არაჩვეულებრივი ღონისძიებისა და სულისჩამდგმელის – ქალბატონ ნელი ლონდარიძის, მონაწილე ახალგაზრდების, მუსიკალური და ტექნიკური გაფორმების ავტორების მიმართ.

დასასრულს ქალბატონმა ნელი გოგოლაძემ თითოეულ მონაწილეს მოსწავლეს სამასსოვროდ შოთა ნიშნაძის ლექსების კრებული გადასცა.

მონაწილე სტუმრები კიდევ კარგახანს შემორჩენენ კულტურის სახლის ფოიეში, ემშვიდობებოდნენ, კომპლიმენტებსა და მადლობას უღვნიდნენ თითოეულ მონაწილეს. აღფრთოვანებით უზიარებდნენ ერთმანეთს დიდ



ებით, თემაზე: „შოთა ნიშნაძე – შემოქმედება თურმე ჯვარცმა“, ჩართო ბიბლიოთეკის კვირეულში (იგი მიეძღვნა პოეტის დაბადებიდან 95 და გარდაცვალებიდან 25 წლის იუბილეს).

ღონისძიებაში მონაწილეობდნენ ბიბლიოთეკის აქტიური მკითხველები: ლაზარე მელიქიძე, ნინო გიორგაძე, ლაშა გვარამაძე, მარიამ გურუშიძე და მარიამ მექოშიანი. მუსიკალური ფონით მას ალამაზებდა და ამრავალფეროვნებდა, აღმატებულ ემოციებს ჰმატებდა სოფელ ივლიტის ლეთისმშობლის შობის სახელობის ტაძრის მგალობელთა გუნდი ქალბატონ ქეთევან კოპაძის ხელმძღვანელობით (მგალობლები: ლევან ივანიძე, ნაირა გოგოლაძე და თეკლა კულაშვილი).



შთაბეჭდილებებსა და ზღვა ემოციებს, ხოლო ჩვენი „მომავლები“, მონაწილე გოგო-ბიჭები, თავად კმაყოფილები და, ამავე დროს, გულაფორიაქებული, აღაუღებელი ლოყებითა და გაცისკროვნებული თვალებით მადლობას უზღიდნენ საქებარი სიტყვების ავტორებს.

და მეც, ერთ-ერთი სტუმარი, მინვეულ სტუმართა შორის, „სულიერი საზრდოს მიღებით დანაყრებული“, ვტოვებდი იქაურობას და მადლიერების გრძნობის ბოლომდე ვერ გამოხატავი გამოწვეულ ფიქრებს ამ წერილში ჩასატყვევებ ვამზადებდი.

ფიქრობ, გამოვივიდა და ამოვთქვი ის კმაყოფილება რაც ამ საოცრად ლამაზმა და სრულყოფილმა საღამომ მომანიჭა.

ახლა კი ვფიქრობ და ვოცნებობ, მომავალ გეგმებს ვსახავ, რომ გვექონდეს მშვიდობა უფლის წყალობით, რათა მსგავსი ნაბიჯებით მივიტანოთ მომავალ თაობამდე ჩვენი საამაყო წინაპრების, სასიქადულო ქართველების ნააზრევი მათ გულეზამდე, როგორც თავად შოთა ნიშნაძე გვეუბნება „წინაპართა საგალობლით“:

„მომე სულო, ქართლის სული კურთხევა, ვიდგე, როგორც მეციხოვნე, ურყევადა და ზღაპრიდან შენს წამოსულ ნაკვალევს ხვალ შეიღებო გადასცემენ ვარსკვლავებს“.

დაიხ, ქალბატონო ნელი, დიას ქალბატონებო და ბატონებო, დიას, ასეთი საქმეებით თქვენ, ჩვენ, ნამდვილად გადავცემთ ჩვენს შვილებს ჩვენივე წინაპრების ნაკვალევს, ისინი კი „გადასცემენ ვარსკვლავებს“.

ლიანა პერიძე,

სსიპ ასპინძის საჯარო სკოლის ქართული ენისა და ლიტერატურის მასწავლებელი

კორესპონდენცია

სოფ. ჭობარეთი (ახალციხის მაზრა), 30 იანვარს. ამ სოფელში 14-15 კვამლი ქართველებია. თათრებიც სცხოვრობენ, მაგრამ მათი რიცხვი დაჭეშმარიტებით არ ვიცი. ჭობარლებს ეკვლესია არ უფარგოდათ; თუმცა ჰქონდათ იგი, მაგრამ ძალიან ცუდს მდგომარეობაში იყო და თავის დანიშნულებას არ შეესაბამებოდა. ბლალჩინი მამა დ. ხახუტაშვილი არა ერთხელ არიგებდა თავის ქადაგებით ხალხს, ეკვლესია შეაკეთეთ, გაამშვენეთო. მისმა მეცადინეობამ ნაყოფი მოიტანა და 15 კვამლმა ქართველობამ იკისრა ქვით-კირის საყდრის აშენება. მ. დ. ხახუტაშვილმა მამინვე იმავე სოფელში მცხოვრებლებს – შემძლებელ გლეხთა შორის ხელის მონერა გაჰმართა ამ ფრიად კეთილის საქმისათვის და ყველამ, შეძლებისა დაგვარად, ფული შეანერა; აღმოჩნდა იმისთანა კაციც, რომ 100 მან. გამოიღო. ჭობარლები ეკვლესიის აშენებაში არავითარსამე ხარჯს და დაბრკოლებას არ ერიდებოდნენ და დღეს ეს ეკლესია მკვიდრად და საშვილი-შვილო სიმტკიცით აშენებულია და დამთავრებული. ქება და დიდება ამ მცირე რიცხვს ღვთის მოყვარე ჭობარელებისას, რომ მათ არაფერში უკან არ დაიხიეს და ეს კეთილი საქმე საკეთილოდ დააბოლოვეს.

გაუმასპინძლდნენ ჭობარლები გულ-უხვად და დღესასწაულობდნენ სიხარულით ამ ფრიად ბედნიერ დღეს...

იქ დამსწრე მიპატიჟებულთა თაგანთი წვლილი არ დაიშურეს და ზანზანაკის ჩამოტარებით ეკვლესიაშივე-მისდა სხვა და სხვა ხარჯის დასაფარავად შეიკრიბა 50 მანეთამდე. შეწირულობის მხრივ უფრო შეწირვის ღირსნი იყვნენ: სოფ. საროში მცხოვრები ბ-ნი სვიმონ მალრაძე, რომელმაც 10 მანეთი შესწირა, ახალციხის „დისტანციის“ უფროსი იაშვილი, ბ-ნი პავლე სეხნიაშვილი (ახალციხელივე), ტოლომის მასწავლებელი ბ-ნი ნათენაძე და სხ., რომელთაც, ვგონებ, სამ-სამი მანეთი შესწირეს.

ესლა ს. ჭობარლებს აქეთ მშენიერი კობტა საყდარი შესაფერის სივრცისა და თავისუფლად შეუძლიან სთქვან: „ჩვენ აღვასრულეთ კეთილი და ღვთისა და კაცის სასიამოვნო საქმეო“.

თებერვლის ფეხის შემოდგამამ ჩვენს მხარეს ცოტა სხვა ფერი დასდო: ყინვები და სიცივეები როგორც იკარგება და დიდს იმედში ვართ, რომ კარგი ამინდები დაგვიდგება. ამასთანავე ისიც უნდა მო-



გარშემო ქართველ სოფლების მცხოვრებნი, აგრეთვე ახალციხიდან რამდენიმენი. კურთხევას ბევრი ხალხი დაესწრო. კურთხევის შემდეგ შესაფერი ქადაგება-დარიგება წარმოხტევა და მამა-ბლალჩინმა ხალხს სხვა-და-სხვა ქართველთა წმინდანების ცხოვრების „ბროშურები“ დაურიგა, კურთხევის გათავების შემდეგ სტუმრებს



ვისხენოთ, რომ მუსხის ხიდის გაკეთება, ამ ყინვებში შეჩერებული იყო ცოტა ხნობით და ახლა, ცოტა რომ გათბა ჰაერი, ხელ-ახლად მიჰყვებს მუშაობას ხელი. ჯერ-ჯერობით შუა ბურჯი თითქმის ჩადგმულია და, თუ ღმერთმა ხელი მოუმართათ და კვლავ ყინვები აღარ დაიჭირა, იმედია, მალე დაათავებენ ბ. ბოქაშულის მეთაურობით და მეცადინეობით.

ვ. კოპტონაშვილი,
სოფ. მუსხი

„ივერია“, 1894 წელი, N28



არქაივიზაცია

ღებუნდადქუელი მესხი ჯაცი

არის დღეები, რომელიც სულს ნაჭდევივით დააჩნდება ხოლმე, დღე, რომელიც საკუთარ ფესვებთან გაბრუნებს... ზედათმოგვის ეკლესიის ქვებში ჩაკირული ეს ისტორია ჩვენამდე მოტანილი ღირსეული მესხის ხელით...

ნაქალაქევის საჯარო სკოლაში გაიმართა მესხი გმირის სიმონ ბერიძის წამებიდან 105 წლისთავისადმი მიძღვნილი ღონისძიება... ამ დღეს იგრძნობდა, ალბათ, „ქვაკაცას“ ძვლებიც... 1919 წელია. თარაქამები დაბოგინობენ მესხეთის მიწაზე, სოფელი გახიზნულია... ქვადქეულმა, სულიერად ძლიერმა ადამიანმა არ გასცა სოფლის ადგილსამყოფელი, რის გამოც იგი სასტიკად აწამეს... ქოსა თარაქამამ მას, ამ გაუტეხელ გმირს „ქვაკაცა“ უწოდა...

ღონისძიება გაიმართა ნაქალაქევის საჯარო სკოლის დირექციის (დირექტორი გიორგი კაველიძე), ადგილობრივი რესურსცენტრის (ხელმძღვანელი ტრისტან მურადაშვილი), ბერიძეთა საგვარეულოსა და მწერალ ზელიმხან მალრადის



ინიციატივით. ღონისძიების ორგანიზატორი იყო ამავე სკოლის ქართული ენისა და ლიტერატურის კათედრა. ჩანახატები

ზელიმხან მალრადის მოთხრობის „ქვაკაცას“ შესახებ წაკითხა პედაგოგმა ცისანა ლონდარიძემ, მოსწავლეებმა: ხატია ზაზა-

ქემ, მარიამ კაველიძემ და თამარ მაღალიამ.

ღონისძიება ჩატარდა საქართველოს მწერალთა ეროვნული აკადემიის მხარდაჭერითა და თანადგომით. ესწრებოდნენ საპატიო სტუმრები: ჯემალ დავლიანიძე / ვიცე-პრეზიდენტი/, ზურაბ ქობალია / აღმასრულებელი მდივანი/, პაატა შუბითიძე / პრეზიდენტის მრჩეველი/ და აკადემიის წევრები: ნინო ფრუიძე, მაია ხოფერია, ელდინო სალარაძე, ლალი ასაბაშვილი, ერეკლე სალიანი, ელენე გამგონიძე, გიორგი თედეთი და სხვები.

ღონისძიებას ესწრებოდნენ აგრეთვე ადგილობრივი თვითმმართველობის წარმომადგენლები, რესურსცენტრის უფროსი ტრისტან მურადაშვილი და ამავე სოფლის მცხოვრებლები.

აქვე გთავაზობთ ამავე სკოლის ქართული ენისა და ლიტერატურის მასწავლებლის ცისანა ლონდარიძის ჩანახატს ზელიმხან მალრადის ნაწარმოების „ქვაკაცას“ თაობაზე.

„ქვაკაცა“

რალაც სულისშემძვრელი, მრავლისმთქმელი დუმილი ჩაკირულა ზედათმოგვის წმინდა გიორგის სახელობის ეკლესიის ჩუქურთმოვან ქვებში...

სიჩუმეა... მაგრამ ქვათა ლაღადი გვამცნობს იმ ძირძველ მესხთა ისტორიას.

1919 წელია... თარაქამები დაბოგი-

ნობში შეინახეს... თამამად დაძრწოდნენ თარაქამები სოფლის მიდამოებში, ზოგიერთმა ზედათმოგველმა ტყეს შეაფარა თავი. რჩეული ახალგაზრდები ღამობობით შემოდოდნენ სოფელში ამბის გასაგებად, თან სანოვაცე მიჰქონდათ მათთვის. ისევ რეკავდა ზედათმოგვის ეკლე-

ში მარილს აყრიდნენ... შემზარავი გმინვა-ლა აღმოხდა, მაგრამ ერთი სიტყვაც არ წამოსცდენია, ბოლოს ფეხზე საბელი მოაბეს და ჭაში ჩაჰკიდეს თავქვე, მაგრამ ჭაბუკი დუმდა... გონზე მოსულმა სახეში შეაფურთხა თარაქამას, რის გამოც მიშველი ფეხებით ნაკვერჩხლებზე დააყენეს იგი... შემზარავმა დამწვარი ხორცის სუნმა შესძრა იქაურობა... კოჭის თავიდან წამოსული სისხლი დუღდა... სახეში წყალი შეასხა ვიღაცამ... უკანასკნელი ძალა მოიკრიბა და ძლივს გასაგონად აღმოხდა, რომ მას სიკვდილი ერჩივნა ასეთ სიცოცხლეს, საკუთარი ღირსება და მშობლიური მიწის უსაზღვრო სიყვარული აძლევდა შინაგან ძალას...

საცოდავი იყო ქოსა თარაქამა, რადგან მას არც მშობლიური მიწის სიყვარული შეეძლო და არც ადამიანური ღირსება გააჩნდა. არსებობს ღამაზი სიკვდილიც, სულის უკვდავებაში გადასვლა, რომლის ფასიც ქოსა თარაქამას არასოდეს ეცოდინებოდა. გახევებული უსმენდა თარა-



ნობენ მესხთა მიწაზე... ორჯერ გაიხიზნა სოფელი... განწირული და შემზარავი ხმა ჰქონდა ეკლესიის ზარს, რალაც ავისმომასწავებელი: „როგორც სულიერი, ისე ტირილდა თურმე დიდხანს საცოდავი ზარი...“ ფიქვმა თარაქამამ ორი ბერდენკა ტყვია ესროლა ზარს... ერთმა გახვრიტა და გაიარა, მეორე კი გაიჭყდა...

სიის ზარი... შებინდებისას ოთხი ახალგაზრდა ტყის თავში გადაეყარა ფიქვთარაქამებს, სამი მიიშალა და ტყეში გაუჩინარდა, ერთი მათგანი კი ტყვედ ჩაიგდეს... ის იყო ტყუილით გააბრწყინა ქოსა თარაქამა ვაჟკაცმა, რომ იშლიანთ დედაბრის ქვითინმა და მუდარამ – არ მოეკლათ იგი, მთლად გააფუჭა ყველაფერი... იცოდა, რომ ახლა ველარაფერს შეძლებ-



ლებდა ქოსა თარაქამა... ყურებზე ხელს იფარებდა, მაგრამ ვერ ხვდებოდა, რომ ეს ხმა „სულის ხმა“ იყო, იმ მესხთა სული-სა, რომლებიც ამ მიწის ღირსეული შვილები იყვნენ – „ლეგენდადქეულები!“ სოფლელებმა ვანის ქვაბებს შეაფარეს თავი, ნაწილი კი თრიალეთის ქედს მიღმა ქართლში გაიხიზნა... პური კი ორ-

და, უკვე გვიანდა იყო... მთელი დღე აწამებდნენ ბიჭს თარაქამები, რათა გაეყიდა მოძმეები, მაგრამ ამაოდ... ახსოვთ ამ ეკლესიის კედლებს ბიჭის გმინვა და სისხლის შემზარავი სუნი... ნეკნები ჩაუმტვრიეს, ცხელი შამფურებით დაუნვეს მთელი სხეული, ჭრილობა-

ქამა, სულიერად დაინგრა და წინ და უკან სიარულს მოჰყვა... რალაცა ძალიან მნიშვნელოვანი რამ ხდებოდა მის სულში, სადღაც სიღრმეში მიმალულმა ღირსებამ გაიღვიძა... მიხვდა რა ცარიელი იყო იგი, უსიყვარულო და უადამიანო, დამძიმებულ სხეულს დაათრევდა მიწაზე. როგორ ეგონა, რომ სულიერად მთავრდება მას, მაგრამ თვითონ დაინგრა. დიღამდე ის მოდა ბიჭის გმინვა, არც ქოსა გოლიათს მოუხუჭავს თვალი... განთიადისას რაზმი შეკრიბა და მიმართა, რომ ამ „ქვაკაცამ“ ბრძოლა მოუგო... ამ სოფლიდან ვერავინ ვერაფერს წაიღებდა და ამ სოფლის სიმშვიდე ვაჟკაცისთვის საჩუქარი უნდა გამხდარიყო... მერე თავჩალუნული და წელათრეული შემოტრიალდა... მან კარგად იცოდა, რომ ის უკვე „ლეგენდად“ იქცა, რომელსაც მოუთხრობდა თავის შვილებს. მერე თითქოს ძალა გამოეკლია,

ისევ შემოჰკრეს ზარს... ქოსა თარაქამამ კვლავ ყურებზე აიფარა ხელი და... ზედათმოგველებმა კარგად იცოდნენ, როგორ ამოდიოდა სწეული თარაქამას დედა თითქმის ყოველ წელიწადს ზედათმოგვეში და შესანიერი ამოჰქონდა ეკლესიაში 1944 წლამდე, სანამ მათაც შუაზიის ტრამალებისაკენ უკრავდნენ თავს...

ეს უკვე ლეგენდად ქეუული „ქვაკაცა“ სიმონ ბერიძე იყო...

წლები გადიოდა... კიდევ რამდენი ტკივილი უნდა ენახა ამ მაღლიან მიწა... იკარგებოდა ქართული სული... ქრისტიანობა, ამ დღემდე სისხლითა და წამებით მოტანილი რწმენა...

სიმონ ბერიძეც „სადღაც“ გაქრა... ნინაპრების ძვლები გმინავდნენ...

სულისშემძვრელად გარინდულა ზედათმოგვის ეკლესიის წინ ნინაპართა საფლავების ქვებს შუა ჩაკირულა ეს ისტორია... ჩვენამდე მოტანილი ღირსეული მესხის ხელით...

ციანა ლონდარიძე

სასპორტო სმოკრაბა

ფინალური გათავისუფლება

დაბა ასპინძის ცენტრალურ სტადიონზე „მოყვარულთა თასი - 2024-ის“ ფინალური გათავისუფლება...

მა როსტომ მაგრაქველიძემ და მერის მოადგილემ ლევან ბერიძემ სამახსოვრო თასით და მედლებით დააჯილდოვეს...



საფანჯაროთი ჩაპიონატი



ასპინძის ცენტრალურ სტადიონზე საფანჯაროთი ჩემპიონატი „მოყვარულთა თასი - 2024“-ის მუნიციპალური თამაშები დაიწყო...

თამაშები შემდეგი ანგარიშით დასრულდა: ასპინძა - რუსთავი - 3:0; ტოლოში-ოშორა - 4:0.

„ლელო, კრ ღიკარბეზი!“


ქართული ენა

აყვავებული ლერწამი ვაზის, ქარვის მარცვლებით ნაქარგი ენა, სახარებასა შინა ლაზარე, მახარობელი - ვარსკვლავთა ცვენა.

საგალობელი - მუღერი, კაშკაშა, ჰიმნი ქებათა - სალბუნი, ლხენა, გაბრწყინებული ლამპარი სიბრძნის, ბგერათა გამის - ლალადი, ფრენა.

დვრიტა ნეტარი, - ივენანინა, ლოცვა ცხოველი - ხატება რწმენა, „ანი და ჰოე“, - ივერთა განძი, მრავალყამიერ სწყალობდეს ზენა!

ავტორ - მთქმელი ზეზუა ბიბილაშვილი, ასპინძის მუნიციპალიტეტის სოფელი იდუმალა



ინფორმაციები მოგვაწოდა ასპინძის მერიის ადმინისტრაციული სამსახურის საორგანიზაციო განყოფილების უფროსმა ეკა კალაიჯიშვილმა

ახალი წიგნები

ა(ა)იპ ასპინძის მთავარი ბიბლიოთეკის საბავშვო განყოფილებამ, ტოლოშისა და ხიზაბავრის მიიღო შემდეგი დასახელების ახალი წიგნები:

- ქეთევან ჭილაშვილი - ბამბის ბიჭი და სხვა მოთხრობები;
ბარონ მიუნჰაუზენის თავგადასავალი;
ბურატინოს თავგადასავალი;
ეკიმი აიბოლიტი;
იაკობ გოგებაშვილი - შემეცნებითი მოთხრობები;
ლელა ცუცქვირიძე - კარის იქით რაღაც მოხდა;
ლეონარდო და ვინჩი;
ლურსმანას თავგადასავალი;
ანილ ბასილი - ვირაფის პირობა;
ნოდარ წულეისკირი - მურიკელა ღრრ... და სხვა მოთხრობები;
ნუკა გაგუა - რა ღირს მოგზაურობა მზეზე?
რობინ ჰუდის თავგადასავალი;
სამი დიდი მეფის ისტორია;
სამი დიდი ქართველის ისტორია;
ფრენკ ბაუმი - სანტა კლაუსის თავგადასავალი;
ჰექტორ მალო - უსახლკარო;
მაია ვალდემარ ბონსელი - ფუტკარი;
შარლ პეროს ზღაპრები;
კატერინა ეპორუშკინა - ჩემი იძულებითი არდადეგები;
ანდერსენის რჩეული ზღაპრები;
ფელიქს ზალტენი - ბემბი;
ნიკოლა ჩინგუეტი - ბიჭები წიგნებს არ კითხულობენ;
ედიტ ნესბიტი - განძის მაძიებლები;
ეგ ზიუპერი - პატარა პრინცი;
ლუის კეროლი - ელისის თავგადასავალი საოცრებათა ქვეყანაში;
სესილია ჯემისონი - ლედი ჯეინი;
მსოფლიოს ათი ზღაპარი;
მსოფლიოს კლასიკოსთა ზღაპრები;
ნილს ჰოლგერსონისა და გარუელი ბატების თავგადასავალი;
პინოკოს თავგადასავალი;
პუშკინის ზღაპრები;
ლუის კეროლი - რა იხილა ელისმა სარკისმომღებთში;
ედიტ ნესბიტი - რკინიგზის ბავშვები;
ანტონ ჩეხოვი - საბავშვო მოთხრობები;
მონტიერო ლობატუ - ყვითელი კოდალას ორდენი;
ძმები გრიმების ზღაპრები;
პიტერ პენი - ჯეიმს მეთუ;
ჰაიდი იოჰანა შპირი;
ალადინი - (ინგლისურ ენაზე);

- ბემბი - (ინგლისურ ენაზე);
მილორა პავიჩი - ვარსკვლავთა მოსასხამი;
ვასაძე - „ვეფხისტყაოსანი“ კომენტარული ტექსტი;
თალგამი - (ინგლისურ ენაზე);
მებადური და ოქროს თევზი (ინგლისურ ენაზე);
ჭრიჭინა და ჭიანჭველა - (ინგლისურ ენაზე);
ხულიო კორტასარი - კლასობანა;
მებადური და ოქროს თევზი;
მებატე გოგო;
მზეთუნახავი და ურჩხული;
გურამ მეგრელიშვილი - მკითხველის მეგზური;
მოიარე, შეისწავლე, შეიყვარე საქართველო - 205 ფაზლი;
მულანი;
ნამცეცა;
პატარა პრინცი;
ტომ სეიერი საზღვარგარეთ;
ფიფქა და შვიდი ჯუჯა;
ქალაქელი თავი და სოფელი თავი;
ნათია ფანჯიკიძე - შიშო, გამოდი გარეთ;
ჩემი პირველი ცხოველები - 205 ფაზლი;
ჩოხელი - ნითელი მგელი;
ჩოხელი - ადამიანთა სევედა;
ჩოხელი - მღვდლის ცოდვა;
დანიელ ბლატაუერი - ჩრდილოეთის ქარს უხდება;
ცხოველები აღმოაჩინე და შეისწავლე - 205 ფაზლი;
ჭრიჭინა და ჭიანჭველა;
ჯადოსნური ქოთანა;
ჰეკლბერი ფინის თავგადასავალი;
ნინო თარხნიშვილი - სიცოცხლის დაზღვევა;
რატი მუჯირი - მონებს სამოთხეში არ უშვებენ;
მარინა თექთუმანიძე - თქვი, დედაკაცი;
დათო ტურაშვილი - ხალდე-ლაპილი;
ნატო დავითაშვილი - ოთხი მხარე და ოთხი სვეტი;
ოლგა ტოკარჩუკი - თოჯინა და მარგალიტი;
გია მურღულია - ცხრის ნახევარზე;

შენიშვნა: ანალოგიური საბავშვო წიგნები მიიღო ტოლოშისა და ხიზაბავრის სასოფლო ბიბლიოთეკებმა.

ასპინძის მთავარი ბიბლიოთეკის საინფორმაციო ბიბლიოგრაფიული განყოფილება

მალაქთიან დასახლებაში სასოფლო-სამეურნეო ტექნიკის თანადაფინანსების პროგრამა

მალაქთიან დასახლებაში მცხოვრები ფერმერების მცირე ზომის სასოფლო-სამეურნეო ტექნიკაზე ხელმისაწვდომობის გაზრდის მიზნით, სპეციალურ პროგრამას - „მალაქთიან დასახლებაში სასოფლო-სამეურნეო ტექნიკის თანადაფინანსების პროგრამა“...

პროგრამაში მიმდინარე წლის 21 მაისს გამოცხადებული რეგისტრაციის შედეგად, სოფლის განვითარების სააგენტოში შემოსულია დაახლოებით 4,3 მლნ ლარის დაფინანსების მოთხოვნით 3.000-ზე მეტი განაცხადი. სააგენტო აგრძელებს განაცხადების მიღებას ბიუჯეტის ამონრუგამდე.

პროგრამით დაფინანსება შეუძლია მიიღოს მალაქთიან დასახლებაში მუდმივად მცხოვრები პირის სტატუსის მქონე ფიზიკურმა პირმა, რომელსაც მალაქთიან დასახლებაში საკუთრებაში გააჩნია სასოფლო-სამეურნეო დანიშნულების მიწის ნაკვეთი.

პროგრამის ფარგლებში დაფინანსდება მალაქთიან დასახლებაში მცხოვრები პირების მიერ შესაძენი მცირე ზომის (7 ცხ.ძდან-13ცხ.ძ) სასოფლო-სამეურნეო ტექნიკის ლიზინგების 70%, თანადაფინანსების ლიმიტი განსხვავებულია სასოფლო-სამეურნეო ტექნიკის სიმძლავრეების მიხედვით და არ აღემატება 2500 ლარს.

რეგისტრაციისათვის ეწვიეთ ბმულს: https://my.rda.gov.ge/. განაცხადის შესავსებად, უნდა დარეგისტრირდეთ ვებგვერდზე. მართვის პანელში, აირჩიეთ მალაქთიან დასახლებაში სასოფლო-სამეურნეო ტექნიკის თანადაფინანსების პროგრამას, შეავსებთ განაცხადის ფორმის ველებს და ატვირთავთ წარმოსადგენი დოკუმენტების ელექტრონულ ვერსიებს.

ოლღა ბერიძე-ველიჯანაშვილი, ასპინძის საინფორმაციო საკონსულტაციო ცენტრის წამყვანი სპეციალისტი

რედკოლეგია